



UNIVERSITÄTS-  
BIBLIOTHEK  
PADERBORN

**Claudii Fleurii Abbatis Historia Ecclesiastica**

Ab Anno Christi 1176. Usque Ad Annum 1203

**Fleury, Claude**

**August. Vind. [u.a.], 1763**

**VD18 90118022**

§. 36. Actio Romæ contra Episcopum Eliensem.

---

[urn:nbn:de:hbz:466:1-66394](https://nbn-resolving.de/urn:nbn:de:hbz:466:1-66394)

cessurum, quam etiam alia munimenta, Sæcul. XII.  
quæ in ipsius erant potestate, dedidis-

A.C. 1191.

set. Nihilominus, cum Dubri e portu  
solvere, sub muliebri veste latens, para-

*Jo. Brompt.*  
*p. 1226.*

ret, proditus & custodiæ datus est. Epi-  
scopis deinde faventibus in libertatem  
assertus, in Franciam trajecit, ubi Pa-  
risiis ab Episcopo Clericisque solemni  
pompa procedentibus exceptus est, a  
quibus, datis sexaginta argenti marcis,  
honorem istum impetravit. Inde Gui-  
lielmus in Normanniam digressus, Le-  
gatis ad Cœlestinum Papam missis, contra  
Comitem Mortaniæ conscosque actio-  
nem movit.

### §. XXXVI.

#### *Actio Romæ contra Episcopum Elien- sem.*

Sed ejus Adversarii quoque Nuncios  
Romam miserunt, & Hugo Episcopus  
Coventriensis, edito Libello, omnium  
conjuratorum querelas contra Cancel-  
larium exposuit, quas exaggeravit, &  
scomatice ejus depositionem, fugam,

ac denique, quibus adjunctis ejus sexus *Rog. p. 702.*

Dubri deprehensus fuerit, verbis, quæ  
honeste non proferantur, retulit. In fine  
petiit, ut Ecclesia Romana ob tam gra-  
vium erratorum pœnas exigat, & Rex  
Angliæ Regno suo viros idoneos præ-  
ficiat. Verum Papa majorem rationem

*Hist. Eccles. Tom. XVIII. T ha-*

**Sæcul. XII.** habuit eorum, quæ Cancellarius, Le-  
A. C. 1191. gatus suus, perscriperat, deditque ad  
Id p. 706. Episcopos Angliæ epistolam, in qua dicit:  
Cælesti. ep. I. Cum dilectus in Christo filius noster Richardus Rex propter honorem Dei absens sit, jura Regni ipsius conservare debemus. Itaque quia compertum habemus, Joannem Comitem Moretonii & quosdam alios jura Regni & Venerabilis Fratris nostri Guilielmi Episcopi Eliensis, Sacræ Sedis Legati, temere violasse, vobis in virtute obedientiae præcipimus, ut, si quidem ita est, conveniatis, & Comitem, ejusque consciens Fautores & Consiliarios vinculo excommunicationis adstrictos publice, ac censis candelis, & pulsatis campanis denuncietis, quod manus violentas in Episcopum injecerint, eum in carcere tenuerint, aut præfecturam Regnia Rege constitutam mutare præsumferint. In terris reorum & conciorum omnia Officia Divina celebrari prohibete, donec ad Sacram Sedem veniant, a nobis absolvendi, afferant que Guilielmi Legati & vestras literas testantes, ipsum libertati & Regnum pri-  
**Rog. p. 770.** stino statui esse restitutum. Hanc epistolam die secunda Decembris anno millesimo centesimo nonagesimo primo datam Episcopus Eliensis S. Hugoni Episcopo Lincolnensi transmisit, ut, quæ Pontifex in ea mandabat, exequeretur. Sed in Anglia nulla hujus Epistole Papalis ratio

tio habita, nec etiam alterius scriptæ ab Sæcul. XII.  
Episcopo Eliensi, quem nec Sedis Apo- A.C. 1192.  
stolicæ Legatum nec Regni Cancellarium  
amplius venerabantur.

Interim Archiepiscopus Rotomagen-  
sis Romam Legatos miserat, qui anno  
seiguiente millesimo centesimo nonagesi-  
mo secundo ei rescripsierunt in hunc mo-  
dum: *Silentio præterimus pericula & Rog. p. 718.*  
*labores itineris. Postquam vero struetas Jo. Brompt.*  
*nobis insidias sæpius evasimus, tandem p. 1232.*

incidimus in grassatores, qui nos rebus  
omnibus, exceptis equis & literis spolia-  
runt; atque ita omni pecunia destituti  
pervenimus in Urbem, in qua sumptus ma-  
ximi faciendi sunt. Agebatur dies un-  
decima Februarii, Curia autem Romana  
in Basilica S. Petri diversabatur. Vidi-  
mus ibi Cancellarii Legatos, feroce, &  
successu rerum suarum elatos; redditum  
enim parabant, postquam effecissent, ut  
Papa Domini sui Legationem in Anglia  
confirmaret, datis Bullis, quibus jam  
erant sigilla apposita. Papam vero, ubi  
in conspectum admissi sumus, omnesque  
illos, quorum consilio utebatur, Cancel-  
larii causæ omnino faventes intelleximus;  
nihilominus postquam advenimus, Bullas  
ejus Nunciis tradere Pontifex distulit.

Ad Curiam igitur introduceti Papæ,  
omnibusque Cardinalibus tuas, Episcopo-  
rum, aliorumque Præfulum, & Opti-

T 2 matum

Sæcul. XII.  
A.C. 1192.

Turbæ in  
Anglia.

matum Angliæ literas obtulimus, ad-  
jicientes, quæ mandatis tuis consentanea  
existimavimus, & postquam Episcopi  
Eliensis Nuncii responsa sua & objecta  
contra nos protulissent, Papa indignanter  
& fastidiose contra causam tuam longam  
orationem exorsus est. Scimus, inquie-  
bat, Regem Angliæ præfecturam totius  
Regni soli Episcopo Eliensi commisso,  
nec alterum ei vel superiorem vel æqua-  
lem dedisse. Inspeximus Regis epistolas,  
alias vero, quibus priora mandata ab-  
rogaret, non vidimus. Fateor quidem,  
quod complures viri venerabiles adversus  
Cancellarium apud nos querelas datis lite-  
ris moveant; contra autem literas etiam  
ei faventes ab aliis viris spectatæ auctoritatis  
accepimus. Quas vero vos attu-  
listis, ab iis sunt, qui Legatum Sedis  
Apostolicæ expulerunt; non mirum igi-  
tur, quod propriæ suæ causæ faveant.  
Præterea non ignoramus, Regem nulli  
unquam hominum tanta amicitia sincera  
pignora dedisse, aut tam eximios hono-  
res exhibuisse, præterquam Episcopo  
Eliensi. Quippe non satis Richardo fuit,  
pinguissimam Ecclesiam Eliensem, Can-  
cellarii dignitatem & Præsidis, se ab-  
sente, potestatem huic Episcopo conferre,  
sed etiam a Clemente Papa piissimæ me-  
moriæ & a nobis petiit, ut eum Sacrae  
Sedis Legatione muniremus; quod instan-  
tissime

tissime flagitanti concessimus. *Quamob- Sæcul. XII.  
rem credere non possumus, nisi ejus lite- A. C. 1192.*  
*ras & sigillum videamus, tam subito Re-  
gis gratiam amisisse virum usque adeo  
prius amatum, nec, nisi nobismetiphs  
adversari & repugnare velimus, Epi-  
scopi Eliensis Legationem, quam ei, a  
Rege & omnibus Angliæ Episcopis ro-  
gati, contulimus, vel suspendere vel tol-  
lere possumus. Tenemus Episcoporum, &  
Domini vestri Archiepiscopi Rotomagen-  
sis, literas, quibus Cancellarium Episco-  
pum Eliensem Legatione Apostolica ex-  
ornari poscunt. Donec felix fuit Epi-  
scopus iste, laudabatur ab omnibus; nulla  
Ecclesia, nullum monasterium, privato-  
rum nemo querebatur, aut virum iniquæ  
exactionis accusabat, nunc vero, dum  
adversam fortunam patitur, omnes in  
perculsum declamant.*

Maximi sane ponderis cunctis vide-  
bantur argumenta, exposita a Pontifice,  
qui majorem se non habet, a Papa & supremo  
Judice, cuius voluntati nemo resistit. Illud  
quoque non nulli contra causam tuam pu-  
gnare credebant, quod Rex rediens Pa-  
pam rogaverit, ut tibi Legati potestatem  
in Normanniam aliasque transmarinas  
provincias daret. Nemini enim veris-  
mire videbatur, voluisse Regem tibi Præ-  
fecturam in Anglia & Legationem in Nor-  
mannia conferri, cum nemo in alia pro-

T 3                   vincia

Sæcul. XII. A.C. 1192. *vincia residens in alia tam sublime munus obire queat. Tandem Papa, tum nostris, tum quorumdam Cardinalium, quos in partes tuas pertraxeramus, precibus ut cunque mitigatus, cum omnium Cardinalium præsentium sententiam requisisset, & diu fuisse deliberatum, sententiam protulit, qua Cancellarium a tuis censuris absolvit, & vicissim censuram Cancellarii in te latam nullam declaravit. Præterea ei injunxit, ut objecta de vi Archiepiscopo Eboracensi illata dilueret. Ceterum eidem Cancellario Legati potestatem non ademit, sed restrinxit, prohibuitque, ne Sententiam Interdicti, Suspensionis, aut Excommunicationis in te, in Episcopos, in Præfectos, aut Optimates Angliæ denunciet.*

*His subjunxit Papa: quod, utriusque Partis consensu, in Angliam missus esset Viros paci inter te & Cancellarium reducendæ, vel saltem animis demulcendis idoneos. Ceterum speramus, nos effecturos, ut epistolæ Papæ ad omnes Angliæ Episcopos directæ, quibus acceptis, Cancellarius te pluresque alios Excommunicatos denunciavit, abrogentur; qua de re cum in Consistorio præsentibus omnibus quereremur, & epistolæ illæ lectæ fuisse, Pontifex aperte reclamavit, affirmans, se inscio scriptas esse. Idem profitebantur, admirantibus similes Cardinales.*

nales. Obstrepentibus vero Cancellarii Sæcul. XII.  
nunciis Papam non respondit. Sed illa nocte A.C. 1192.  
Papam adeunt, exprobrant, quod publice a se factum publice negasset, memo-  
rant, quot obsequia ei Dominus ipsorum  
Cancellarius præstisset, & per bono-  
rem Ecclesiæ Romanae ac proprii nominis  
gloriam obtestantur, ut testimonium præ-  
beret veritati. His monitis expugnatus  
Papa altera die in Consistorio, Cardinali-  
bus, Clericis populoque præsentibus dixit:  
Fratres mei! confiteor, quod in Episco-  
pum Eliensem ejusque Nuncios graviter  
peccaverim. Nam in memoriam rediit,  
quod epistolæ, quibus sententiam excom-  
municationis in Comitem Moretonii,  
Archiepiscopum Rotomagensem ipsorum-  
que consciens confirmavi, meo jussu missæ  
fuerint; eas bodieque confirmo, voloque,  
ut, quibus imperatum est, injuncta exe-  
quantur. Talis est epistola, quam Le-  
gati ipsius ad Archiepiscopum Rotoma-  
gensem dederunt.

### §. XXXVII.

*Legati in Normannia non recipiuntur.*

Itaque Cœlestinus Papa hoc anno mil *Reg. p. 720.*  
lesimo centesimo nonagesimo secundo *J. Bromt.*  
duos Cardinales, Sacrae Sedis Legatos, *p. 1238.*  
Octavianum Episcopum Ostiensem, &  
Jordanum Abbatem Fossæ novæ, Pres-  
byterum tituli S. Anastasie, in Norman-  
nia